

88

LEONIS ALLATII

omnes in parte læua: at similes notæ non in fine, sed in principio versus, vbi locutio incipit apponuntur. An dictionibus puncta, quæ semper in fine dextro linea conspiciuntur, ingeniosissimi illi Etrusci præponebant! O præposterum Fesulanum ingenium! si Fesulanus ut suas defendat, Eugubinam refellet, videbimus unde nam Eugubini suam defendant. Sic certa est apud Eugubinos illius Tabulae antiquitas, habent quid in Fesulano irrideant, & nugacitatem tanti impostoris compescant.

LII. Oracula item, & Vaticinia postremum seculum redolent, ex Ioachimo, aliisque, sed infeliciter admodum, conficta. Illa penitus ridicula sunt, quorum in eo sitam diuinitatem Auctor existimat, si, non more hominum, sed bestiarum loquatur. pag. 267. *Bos ut Leo rugiet. Leo comedet paleas, &c.* pag. 264. *Oculi mei mala audierunt, aures meæ pessima viderunt.* pag. 270. *Rugiet aqua, bibet Leo, Pisces Leonem deuorabunt, nec os remanebit.* pag. 271. *Ridebit lugens, destruens adificat.* Eia age. quod felix, fortunatumque sit. Vaticinare & tu Fesulane. *Qui dormit, vigilat, sic furem propellit. o si non dormiret, fur furaretur.* Quid porro erit ineptire, si hæc vaticinia sunt, ipsis etiam antiquis ludibrio habita? Quamuis enim ea, & obscura, & difficultia,